

尾張國小折村富士塚碑誌^{并銘}

天地者生之本也先祖者類之本也孝子慈孫不可不知其本也尾張國士生駒主計利勝爲其祖建碑于小折村富士塚而欲著其功述其慶揚其名聊記履歷以請詞于余余感其不忘本之志也其家傳曰在昔忠仁公建山莊于和州生駒鄉而其末流生生居焉遂以生駒爲氏也其後裔移居尾州領小折村左京進生駒家廣者利勝六世之祖也文明年中頗有聲聞其次加賀守豐政其次藏人家宗其次八右衛門尉家長相繼爲國士右大臣織田信長娶家宗之女生二男一女其長則秋田城介信忠其次則內大臣信雄也其女嫁岡崎三郎源信康由是信長於家長亦眷遇不謫天正十二年信雄與相國豐臣秀吉有隙信雄通志於

東照大神君議軍事

神君入尾州屯兵于小牧山與信雄共赴小折村到家長宅時家長承信

(正面)

雄之命守勢州長嶋城嫡子因幡守利豐年幼庶兄右近善長在家拜迎之世以爲榮

神君自小折村登富士塚察視敵境而歸小牧遂成和議同十八年信雄左遷家長亦身老閑居利豐應秀吉之命仕關白豐臣秀次叙從五品慶長五年關原之役利豐屬左衛門大夫福嶋正則自獲首級同年

神君一統闔國貴胤從三位薩摩守源公領尾張國利豐亦依命屬從之

其後及從二位大納言源敬公封于尾州利豐優仕厚遇采邑如故利勝者則其子也今黃門正三位襲封之後特選利勝爲令嗣從三位中將之傳其世系如此其事實如此古曰祖考之嘉名美譽亦子孫之冕服墻宇也利勝嚮無祖先之餘慶則豈得今日之庇蔭哉今無奉先之孝則世世事業不垂於不朽也可謂追遠繼志者也嗚呼百行皆有本也本立而枝繁葉密猶於後昆有所期祝焉詞既成且係之以銘

銘曰

| | | | | |
|------|------|------|------|------|
| 小折之村 | 陟彼高丘 | 富士不遠 | 累累塚幽 | 松林接影 |
| 木曾入眸 | 西顧淡海 | 東指參州 | 爰問絕景 | 猶記昔遊 |
| 藤縣岩存 | 李白憩休 | 蠻國服信 | 以祠武侯 | 矧又此境 |
| 神君停輦 | 風拂旌旗 | 日照戈矛 | 耀榮一時 | 流譽千秋 |

天和二年壬戌二月上旬

東武州學整宇主人林巖直民誌

(正面より)

古人不立碑
日子孫不才
徒爲他人作
鎮石耳斯非
謀其功乎又
有沈于水中
而豫推陵谷
變遷者斯非
謀其利乎吁
功利者非道
義之當然也
夫時有盈虛

物有消長天
之數也不察
時之不可失
不窮物之不
可必或可立
而不立之或
不可沈而沈
之乃其不知
道義之所有
也乎董子曰
正其誼不謀
其利明其道
不計其功由

(碑陰)

此觀之吁功
利之害其事
可知焉予知
己生駒利勝
幹父之蠱於
此立碑于富
士塚竊寓峴
山之遺風且
恭需林羅山
先生之嫡孫
弘文院學士
之令子整宇
瑰儒之誌銘

鑄其祖孝之
出自仕進而
後家系燎然
永應共金石
存矣維道義
之當然可立
而立之不可
沈而不沈之
豈暇謀其功
謀其利耶方
今無利勝之
盛舉則富士
塚之

台蹤不顯闔
國有富士塚
之
台蹤而無整
宇之宏才則
利勝之盛舉
不流累世也
夫地之依人
興人之依文
興亦不在茲
乎予駑鈍不
與騏驥同轡
然揚園之道

猗于畝丘是
以強不拒利
勝之請而謹
書于碑背

天和二稔玄闈^七闔茂
三月仲浣
尾陽詞臣釣耕軒
並河魯山記

(台石)

關山派下永泉野釋^邑君特門

瞻寫 〔(東側)

天和四載甲子孟

春己卯日

尾陽長久寺現住

卓玄修地鎮法

〔(西側)

京師石工來宮石見守

左衛門尉藤原廣次流

尾州城下石工

井上長兵衛尉

藤原廣則鐫之

天和四甲子稔孟春吉辰

〔(北側)